



ს ა ქ ა რ თ ვ ე ლ ო

GEORGIA

გარემოს დაცვისა და  
სოფლის მეურნეობის  
სამინისტრო

MINISTRY OF ENVIRONMENTAL  
PROTECTION AND AGRICULTURE  
OF GEORGIA

N 12899/01

10/12/2021

12899-01-2-202112101656



საქართველოს პარლამენტის თავმჯდომარეს  
ბატონ კახაბერ კუჭავას

ბატონო კახაბერ,

„საქართველოს ზოგადი ადმინისტრაციული კოდექსის“ 49-ე მუხლის შესაბამისად, წარმოგიდგენთ საქართველოს გარემოს დაცვისა და სოფლის მეურნეობის სამინისტროს 2021 წლის ანგარიშს „საქართველოს ზოგადი ადმინისტრაციული კოდექსის“ ინფორმაციის თავისუფლების თავით გათვალისწინებული მოთხოვნების შესრულების თაობაზე.

საქართველოს გარემოს დაცვისა და სოფლის მეურნეობის მინისტრის 2018 წლის 19 მარტის #2-164 ბრძანების საფუძველზე, საქართველოს გარემოს დაცვისა და სოფლის მეურნეობის სამინისტროს საჯარო ინფორმაციის გაცემასა და ინფორმაციის პროაქტიულად გამოქვეყნებაზე პასუხისმგებელ პირად განისაზღვრა სტრატეგიული კომუნიკაციის დეპარტამენტის პირველადი სტრუქტურული ერთეულის ხელმძღვანელი ნანა ჩინჩილაკაშვილი.

საქართველოს გარემოს დაცვისა და სოფლის მეურნეობის სამინისტროს მიერ, ელექტრონული ფორმით საჯარო ინფორმაციის მოთხოვნის წარმოდგენა უზრუნველყოფილია სამინისტროს ელექტრონული პორტალის მეშვეობით (<http://mepa.gov.ge/Ge/SubscribePublicInfo>), საქართველოს „ზოგადი ადმინისტრაციული კოდექსი“-სა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების მოთხოვნათა შესაბამისად.

საანგარიშო პერიოდში, „საქართველოს ზოგადი ადმინისტრაციული კოდექსის“ მესამე თავის შესაბამისად, სამინისტროს, საჯარო ინფორმაციის გაცემის მოთხოვნით მომართა 274 განცხადებელმა.

საქართველოს გარემოს დაცვისა და სოფლის მეურნეობის სამინისტროში შემოსული 274 განცხადებიდან:

- 95 შემთხვევაში დაინტერესებული პირი იყო ფიზიკური პირი;
- 176 შემთხვევაში, დაინტერესებული პირი იყო იურიდიული პირი, მათ შორის:

- 12 შემთხვევაში, განმცხადებელი იყო სამეწარმეო იურიდიული პირი, 116 შემთხვევაში არასამეწარმეო იურიდიული პირი, ხოლო 48 შემთხვევაში-სხვადასხვა მედია საშუალება;
- 3 შემთხვევაში სამინისტროს საჯარო ინფორმაციის გაცემის მოთხოვნით მომართა ადმინისტრაციულმა ორგანომ.

საჯარო ინფორმაციის გაცემაზე პასუხისმგებელი პირის მიერ, რეაგირება განხორციელდა ყველა განცხადებაზე.

საქართველოს გარემოს დაცვისა და სოფლის მეურნეობის სამინისტროში შემოსული 274 განცხადებიდან:

- სრულად დაკმაყოფილდა 221 განცხადება;
- ინფორმაცია ნაწილობრივ გაიცა 15 განცხადებაზე: მათგან, 10 შემთხვევაში-მოთხოვნილი იყო პერსონალური ინფორმაცია, 2 შემთხვევაში-მოთხოვნილი ინფორმაციის ნაწილი წარმოადგენდა კომერციულ საიდუმლოებას, 2 შემთხვევაში-სამინისტროში ინფორმაცია არ მუშავდებოდა მოთხოვნილ ფორმატში, ხოლო 1 შემთხვევაში-მოთხოვნილი ინფორმაციის ნაწილი არ წარმოადგენდა სამინისტროს კომპეტენციას.
- უარი ინფორმაციის გაცემაზე ეთქვა 1 განმცხადებელს, რადგან ინფორმაციის მოთხოვნის ადრესატი არ იყო სამინისტრო. შესაბამისად, კომპეტენციის ფარგლებში, აღნიშნულ ინფორმაციას სამინისტრო არ ფლობდა.
- 30 განცხადება კომპეტენციის ფარგლებში განსახილველად გადაეგზავნა შესაბამის უწყებას, სხვა უწყებაში განცხადების გადაგზავნის საფუძველს წარმოადგენდა ის ფაქტი, რომ საჯარო ინფორმაციის მოთხოვნის შესახებ განცხადება არ ექვემდებარებოდა სამინისტროს კომპეტენციის ფარგლებში განხილვას. შედეგად, კანონის მოთხოვნათა სრული დაცვით, „საქართველოს ზოგადი ადმინისტრაციული კოდექსის” მე-80 მუხლის საფუძველზე, განცხადებები განსახილველად გადაეგზავნა შესაბამის სახელმწიფო უწყებებს. აღნიშნულის შესახებ კი ინფორმაცია ეცნობათ განმცხადებლებს.
- 7 განცხადებაზე მიმდინარეობს წარმოება.

საჯარო ინფორმაციის მოთხოვნის განცხადებაზე პასუხის ნაწილობრივად გაცემისას, პასუხისმგებელი პირი ხელმძღვანელობდა საქართველოს კონსტიტუციის, „პერსონალურ მონაცემთა დაცვის შესახებ“ საქართველოს კანონის და „საქართველოს ზოგად ადმინისტრაციულ კოდექსი“-ს შესაბამისი მუხლებით.

უარი საჯარო ინფორმაციის გაცემაზე, განმცხადებლის მიერ არ გასაჩივრებულა.

საანგარიშო პერიოდში სამინისტროს ცენტრალურ აპარატში შემოსული განცხადებები ძირითად შემთხვევაში შეიცავდა ერთდროულად რამდენიმე მოთხოვნას. ხშირად მოთხოვნილი იყო შემდეგი სახის საჯარო ინფორმაცია:

- დასაქმებულ თანამშრომელთა რაოდენობა, მათ შორის გენდერულ ჭრილში;
- გენდერთან დაკავშირებით განხორციელებული ღონისძიებები;
- მოსამსახურეთა შრომის ანაზღაურება;
- საწვავის მოხმარებაზე გაწეული ხარჯი;
- ბალანსზე რიცხული ავტომობილების შესახებ ინფორმაცია;
- პანდემიის პერიოდში განხორციელებული სასოფლო-სამეურნეო პროექტები;

- საჯარო განხილვების ოქმები და სხვა მასალები;
- ჰესების მშენებლობის ნებართვებთან დაკავშირებული მინისტრის ბრძანებების გამოცემისთვის ჩატარებული ადმინისტრაციული წარმოების მასალები;
- პანდემიის დროს ფერმერებისათვის განხორციელებული სამუშაოები;
- ჰაერის დაბინძურების მონაცემები სხვადასხვა რეგიონის მიხედვით და სხვა.
- გარემოსდაცვითი ზედამხედველობის დეპარტმანტის მიერ ობიექტების შემოწმების ამსახველი მასალები და სხვა.

საქართველოს გარემოს დაცვისა და სოფლის მეურნეობის სამინისტრო არ წარმოადგენს კოლეგიურ საჯარო დაწესებულებას. შესაბამისად, სხდომის დახურვის შესახებ გადაწყვეტილებები არ არის მიღებული საანგარიშო პერიოდში.

სამინისტროს ცენტრალური აპარატის ცალკეული სტრუქტურული ერთეულები, მათთვის დებულებით დაკისრებული საჯარო უფლებამოსილების ფარგლებში ახორციელებენ პერსონალური მონაცემების შეგროვებას, დამუშავებას და შენახვას. უწყებაში პერსონალური მონაცემები დაცულია, როგორც ელექტრონული, ისე მატერიალური სახით.

საქართველოს გარემოს დაცვისა და სოფლის მეურნეობის სამინისტროს დოკუმენტბრუნვის ელექტრონულ სისტემაში (edoc) ინახება ელექტრონული ფორმით არსებული პერსონალური მონაცემები, რომლებსაც განმცხადებელი უთითებს მის მიერ წარმოდგენილ განცხადებაში. აღნიშნულ მონაცემებზე წვდომა აქვთ მხოლოდ იმ პირებს, რომლებსაც, მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავების და შეგროვების უფლებამოსილება. დოკუმენტბრუნვის ელექტრონულ სისტემაში არსებული პერსონალური მონაცემების უსაფრთხოება უზრუნველყოფილია შესაბამისი ინფორმაციულ-ტექნოლოგიური საშუალებებით, რაც გამორიცხავს არაუფლებამოსილი პირებისთვის პერსონალურ მონაცემებზე წვდომას.

სამინისტროს მიერ პერსონალური მონაცემების შეგროვებასთან, დამუშავებასთან, შენახვასა და გადაცემასთან დაკავშირებული წარმოება ხორციელდება „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსის“ მე-3 თავის მოთხოვნათა შესაბამისად.

საანგარიშო პერიოდში, სამინისტროს საჯარო მოსამსახურეთა მიერ „საქართველოს ზოგადი ადმინისტრაციული კოდექსით“ დადგენილი მოთხოვნები არ დარღვეულა. შესაბამისად, პასუხისმგებელ პირებს შესაბამისი დისციპლინური სახდელი არ შეფარდებია.

პატივისცემით,

გიორგი ხანიშვილი

მინისტრის პირველი მოადგილე

